

TEZAU LITURGIC

1 MAI

ACATISTUL SF. REGINE TAMARA A GEORGIEI I



TBILISI, 2000



დაუჯდომელი საგალობელი წმიდისა კეთილმსახურისა მეფისა თამარისი

კონდაკი 1

სათნოებათა ბუტკოძსა მომფუტკრებელო და ზენათა
პორფირითა და გვირგვინითა აღმკულო, რომელსაცა
დაუცხრომელითა მით გალობითა გფსალმუნებენ
ქრისტეანენი, ვითარცა ყოველთა მორწმუნეთა
მასწავლელმან, განმართენ ესე ჩვენიცა
ენაბრგვილობანი, რადთა შენისა მეოხებისა მოქენენი
შეგასხმიდეთ ქებასა ამას: გიხაროდენ, სულიერისა
შუენებისა უფურჴვნელო ყუავილოვნებაო და
ღმრთივსათნოთა მით მეფობითა შენითა
ზეაღზიფულო სიმაღლეო განსაკრთომელო, წმიდაო
თამარ დედუფალო!

იკოსი 1

ებგურო შუენიერო, რომელმან ღმრთისამიერითა მით
ფრიადითა შეწევნითა ქედნი უშჯულოთანი შემუსრენ,
შენ, ღვთივმომაღლებულსა ნათელსა უოხჴნოსა,
ესრეთ გადიდებთ:

გიხაროდენ, დედუფალო განსაკრთომელო;
გიხაროდენ, ზეცისა სძალო ქმნულკეთილო;
გიხაროდენ, საწუთოძსა ამის საშუებელისა მძლეველო;

გიხაროდენ, საღმრთოთა მით მადლითა
დამარილებული;
გიხაროდენ, ღმრთისგან საფარველმოძარცვილთა
შემმუსვრელო;
გიხაროდენ, მეფეო ღმრთივგანმარჯვებულო;
გიხაროდენ, მოქენეთა შენთა სასოებაო;
გიხაროდენ, სულისა ჩუენისა აღყუავილებაო;
გიხაროდენ, ღმრთისა წყალობისა მომგებელო;
გიხაროდენ, ლოცვითა განშუენებულო;
გიხაროდენ, რამეთუ მოხედა ღმერთმან
სამკვდრებელსა თვისსა;
გიხაროდენ, რამეთუ აცხოვნა უფალმან ერი თვისი;
გიხაროდენ, სულიერისა შუენებისა უფურჭვნელო
ყუავილოვნებაო და ღმრთვისათნოთა მეფობითა
შენითა ზეაღზიდულო სიმაღლეო განსაკრთომელო,
წმიდაო თამარ დედუფალო!

კონდაკი 2

ღმრთისა სიტყუითა გაწვრთილო და წვრთითა მით
საღმრთოთა კეთილმცენარეო, შენისა მოღუაწებისა
სულნელებითა ცათა მიმართ აღტრფობილნი
გიგალობლ შენ: აღილუია.

იკოსი 2

ღმრთივსათნოებისა მის მეფობისა სრულქმნილებათ,
რომელი ჩუენსა სასოებითსა მას მოლოდებასა
აღმოუბრწყინდი, შენ, ღმრთისმშობელსა მას
შევედრებულსა დედუფალსა, ესრეთ გიგალობთ:

გიხაროდენ, ზენაარის სუფევისა მოსურნეო;
გიხაროდენ, მცენარეო, თანაწარსადინელსა მას
სასუფეველისა წყალთასა დანერგულო;
გიხაროდენ, ღმრთისმეცნიერებითა ცხორებულო;
გიხაროდენ, ქრისტეანობისა განმამტკიცებულო;
გიხაროდენ, ბოროტთა თესლთა მომსრველო;
გიხაროდენ, თუალითა მით გონებისადთა ყოვლისა
განმცდელო;

გიხაროდენ, ანგელოზთა მობაძავო;
გიხაროდენ, კეთილმუშაკობითა განბრწყივებულო;
გიხაროდენ, სულითა მით წმიდითა აღვსებულო;
გიხაროდენ, ღმრთისმიერითა მით ნათლითა
განშუენებულო;
გიხაროდენ, სულიერისა ცხოვრებისა პარაკლიტონო;
გიხაროდენ, სადღესასწაულოთა კეთილხმოვანო
დასდებულო;

გიხაროდენ, სულიერისა შუენებისა უფურჴვნელო
ყუავილოვნებაო და ღმრთივსათნოთა მეფობითა

შენითა ზეაღზიდულო სიმაღლეო განსაკრთომელო,
წმიდაო თამარ დედუფალო!

კონდაკი 3

სამეუფოსა მას ტახტსა ზედა აღსაყდრებულო, რომელი
ერისა შენისა სიხარულად ცისკროდ, შენთა მაქებელთა
მიერ განიფინებიან აზმანი
შარავანდედთანი: ალილუია.

იკოსი 3

ღმრთივბოძებულისა მის სამეფოდსა შენისა
მიურულებულო მცუელო ახოვანო, შენ, მარხვითა და
ლოცვითა ფრთოვანქმნილსა და სიმდაბლითა მით
ღმრთივშუენიერითა აღმაღლებულსა, ღმრთისა
წმიდათა დაუცხრომელად მეხოტბენი ესრეთ
გმეტყუელებთ:

გიხაროდენ, ღმრთივსულიერთა სიტყუათა
კეთილმომთხრობელო;

გიხაროდენ, სიკუდილისა მოქლონთა შემმუსრველისა
მოწაფეო;

გიხაროდენ, სამეუფოთა მათ სჯულდებათა
განმაჩინებელო;

გიხაროდენ, ღმერთშემოსილთა მათ მოძულუართაგან
გაწვრთილო;

გიხაროდენ, სულთა ჩუენთა ზეცად აღმყუანებელო;
გიხაროდენ, წმიდათა მათ მეფეთა ნამუშაკევისა
შემკრებელო;

გიხაროდენ, ყოვლისა არაწმიდებისა აღვირო;
გიხაროდენ, ყოვლისა სათნოებისა ყუავილოვნებაო;
გიხაროდენ, აწ შენთა მაქებელთა მაკურთხეველო;
გიხაროდენ, ტაძარო უმუსვრელო;
გიხაროდენ, რომლისა ნაყოფი ღმერთმან განამრავლა;
გიხაროდენ, რომელმან ყოველივე კეთილად
განამტკიცენ;

გიხაროდენ, სულიერისა შუენებისა უფურჴვენელო
ყუავილოვნებაო და ღმრთვისათნოდთა მეფობითა
შენითა ზეაღზიდულო სიმაღლეო განსაკრთომელო,
წმიდაო თამარ დედუფალო!

კონდაკი 4

ეკლესიისა სუეტო უქცეველო, შენ, მენელსაცხებლეთა
დედათა მათ ნეტართა მობაძავსა და მიმსგავსებულსა,
ქრისტეანეთა წესნი ყოველნი
გვსალმუნებენ: ალილუია.

იკოსი 4

ყოვლადპატიოსანთა ტაძართა განმამდიდრებელო და
დარღუეულთა საყდართა აღმადგინებელო, ქერობინთა

და სერაბინთა თანამეხმესა დედუფალსა ესრეთ
გადიდებთ:

გიხაროდენ, ეკლესიათა განმამდიდრებელო;

გიხაროდენ, ღმრთისა სიყუარულსა შემსჭუალებო;

გიხაროდენ, წმიდათა ტაძართა კეთილიმსყოფელო;

გიხაროდენ, სამეფოთა მით უხუებითა მონასტერთა
ნაყოფთშემწირველო;

გიხაროდენ, საწუთოთა ამის მცხინვარებასა შინა
ალაგო მაღნაროანო;

გიხაროდენ, ვედრებათა ჩუენთა
კეთილმომთუალველო;

გიხაროდენ, ქრისტესმიერისა მის კუერთხისა
მპყრობელო;

გიხაროდენ, ზრახუათა ჩუენთა განმწმენდელო;

გიხაროდენ, მუშაკო დაუცხრომელო;

გიხაროდენ, ძლევამოსილებისა მხმობელო;

გიხაროდენ, რამეთუ უფალი შენთვის მოურვეობს;

გიხაროდენ, რამეთუ პირსა შენსა ლიტანიობენ
მთავარნი ერისანი;

გიხაროდენ, სულიერისა შუენებისა უფურჴვნელო
ყუავილოვნებაო და ღმრთვისათნოთა მეფობითა
შენითა ზეაღზიდულო სიმაღლეო განსაკრთომელო,
წმიდაო თამარ დედუფალო!

კონდაკი 5

უშჯულოთა მომსრველო ქეიბურო, რომელმან
განლაღებულთა მათ მუსურმანთა არცხვინე,
ღმრთისმიერისა მის ძლევისა მედღესასწაულენი
გიგალობთ შენ: ალილუია.

იკოსი 5

საცნობელთა ჩუენთა მესათხევლო, შენითა
სიტყუიერითა მდინარებითა დარწყულებულნი და
განცოცხლებულნი ხმა-ვყოფთ შენდა მიმართ ესრეთ:

გიხაროდენ, განბორგებულთა მაჰმადიანთა
მძლეველო;

გიხაროდენ, ზღუდეო უბრძოლველო;

გიხაროდენ, ბჭეო უმუსრველო;

გიხაროდენ, სავანეო განბრწყინვებულო;

გიხაროდენ, ქუეყანაო კურთხეულო;

გიხაროდენ, რომელმან წინააღმდგომნი ძალნი
სირცხვილელ-ჰყავ;

გიხაროდენ, რომლისა მიერ ბელიარ განბასრულ იქმნა;

გიხაროდენ, წინამძღუარო ღვთივგანბრძნობილო;

გიხაროდენ, ღმრთისმეტყუელო განსაკვრველო;

გიხაროდენ, მაცხოვნებელისა მის სჯულისა
ხმოვანებაო;

გიხაროდენ, სულისა ჩუენისა მღვიძარებაო;

გიხაროდენ, სიკეთითა სრულქმნილო;
გიხაროდენ, სულიერისა შუენებისა უფურჳვნელო
ყუავილოვნებაო და ღმრთვისათნოდთა მეფობითა
შენითა ზეაღზიდულო სიმაღლეო განსაკრთომელო,
წმიდაო თამარ დედუფალო!

კონდაკი 6

სულისა მის წმიდისა ტაძარო საკვრველო, რომელი აწ
ცათა შინა საღმრთოდთა მით გალობითა ხმოვანებ,
დიდებისგმეტყუელებთ შენ: ალილუია.

იკოსი 6

უაზნოთა განმააზნაურებელო, რომელი ღმრთისა
მიმართ გონებითა მით აღუზუავებულითა აღსრული
ვერა წარგიპარა სოფელმან, შენ, ქრისტჳს თანა
ჯუარცმისა მეტრფესა, ესრეთ გიგალობთ:

გიხაროდენ, ღმრთივსათნოდთა მით გლოვითა
განშუენებულო;

გიხაროდენ, საკვრველთა მით განმარჯუებათა
მოქმედო;

გიხაროდენ, სულიერისა აღლესულისა მის მახვილისა
მპყრობელო;

გიხაროდენ, მახვილითა მით საშინელითა
უნაყოფობისა მომკუთელო;

გიხაროდენ, ნაყოფთმცენარებათა განმაცხოვრებელი;
გიხაროდენ, გულითა განმწმენდილო;
გიხაროდენ, გონებითა განბრწყინვებულო;
გიხაროდენ, საღმრთოთა მით სიტყუითა
განმდიდრებულო;
გიხაროდენ, საფასეო მიუთხრობელო;
გიხაროდენ, სულისა ჩუენისა საზრდელო
კურთხეულო;
გიხაროდენ, სასუმელო მაცხოვრებელი;
გიხაროდენ, რომელმან ღმრთისმიერითა მით
შეწევნითა სიონისა მოძულეთა არცხვინე;
გიხაროდენ, რომელი ღმრთისმოსავთაგან
განდიდდები;
გიხაროდენ, სულიერისა შუენებისა უფურჴვნელო
ყუავილოვნებაო და ღმრთვისათნოთა მეფობითა
შენითა ზეაღზიდულო სიმაღლეო განსაკრთომელო,
წმიდაო თამარ დედუფალო!

კონდაკი 7

ორგულთა მწვრთელო და თანამოსაგრეთა მათ შენთა
მწყალობელო, შენისა თვალუხვავისა განჩინებისა
მაქებელნი თაყუანის გცემთ შენ ესრეთ: ალილუია.

იკოსი 7

ბელიარისა მზორველთა მომწყუდეულო და ზრახუათა მათთა განცოფებულთა მომაოხრებელო, რომელმან სულთა შინა ჩუენთა ღმრთისმიერისა მის სასოებისა მცენარენი აღმოამორჩენ, გონებითა მით საღმრთოოდათა ცათა მიმართ აღმაღლებულსა ესრეთ გადიდებთ:

გიხაროდენ, ლოცვათა და ღამისთევათა

განმამრავლებელო;

გიხაროდენ, წინააღდგომთა სასოებისა დამშრეტელო;

გიხაროდენ, ერსა შენსა ზედა ცრემლითა მით

ღმრთივშუენიერითა დაღტობილო;

გიხაროდენ, მოყუასთა აღმმართებელო;

გიხაროდენ, მტრისა მის განცოფებულისა

დამამხოვებელო;

გიხაროდენ, ყმათა შენთა სასოებაო;

გიხაროდენ, დავითიანთა სისხლისა მზეობაო;

გიხაროდენ, სასუფეველისა სანახებსა მიწთომილო;

გიხაროდენ, გონებათა შინა ჩუენთა შთბეჭდულო;

გიხაროდენ, გულთა ამათ ჩუენთა ზედა წარწერილო;

გიხაროდენ, რომელმანმცა უფალი შეიტკბე;

გიხაროდენ, რომელსაცა გფასლმუნებთ მაქებელნი;

გიხაროდენ, სულიერისა შუენებისა უფურჴვნელო

ყუავილოვნებაო და ღმრთვისათნოდათა მეფობითა

შენითა ზეაღზიდულო სიმაღლეო განსაკრთომელო,
წმიდაო თამარ დედუფალო!

კონდაკი 8

ღმრთისმოსავთა სიხარულად აღმობრწყინვებულო და
სულიერისა ნათლისა ჩუენდა მომართ უშურველად
მომფენელო, კაცობრივთა ხედვათაგან განყენებულსა
და საღმრთოჲსა მის ნათლისა მჭურეტელსა
გიღაღადებთ შენ:ალილუია.

იკოსი 8

მონოზონთა ღმრთეებრივო საფარველო და
მღუდელთა მათ ჩინებულთაგან საუკუნოდ საქებელო,
კლდეთაგან ეკლესიათა და გულთა ამათ ჩუენთაგან
ნეტარებისა გამომკუეთელსა დედუფალსა ესრეთ
გმეტყუელებთ:

გიხაროდენ, ტაძართა და მეტოქეთა შემამკობელო;

გიხაროდენ, იერუსალიმსა შინა პატიოსნისა მის
მონასტრისა აღმშენებელო;

გიცაროდენ, ეკლესიათა საფასისა აღმომავსებელო;

გიხაროდენ, მონოზონთა სენაკების მყუდროებაო;

გიხაროდენ, ვარძიისა ღმრთისმშობელისა მის მხევალო
ღმრთეებრივო;

გიხაროდენ, სიმდაბლითა და მუხლმოდრეკითა

აღმაღლებულო;
გიხაროდენ, საეკლესიოდსა ტიბიკონისა მეცნიერო;
გიხაროდენ, მეცნიერებითა მით საღმრთოდთა
მოუკლებელად მლოცველო;
გიხაროდენ, ცხოველისყოფელისა ჯუარისა
მპყრობელო;
გიხაროდენ, სიჩხოით შენით სამეუფოდთა მით
ზეთითა ცხებულო;
გიხაროდენ, რამეთუ ათორმეტთა მღუდელთა ხელთა
შენთა შესთულ ჰმოსიეს;
გიხაროდენ, რამეთუ შენ, შარავანდედსა, აზმათა
შეგასხმენ;
გიხაროდენ, სულიერისა შუენებისა უფურჳვნელო
ყუავილოვნებაო და ღმრთვისათნოდთა მეფობითა
შენითა ზეაღზიდულო სიმაღლეო განსაკრთომელო,
წმიდაო თამარ დედუფალო!

კონდაკი 9

საწუთოდსა ბიწისაგან შეუხებელო, რომელმან სოფელი
ესე უცთომელად წარიხადე, სასუფეველისა
მაძიებელსა და მაძიებლობით მით დაუცხრომელითა
აღბეჭდულსა სამზერელსა გიგალობთ შენ: აღილუია.

იკოსი 9

ქრისტჳსმიერითა წესითა მით მაცხოვნებელითა
ცხორებულო, რომელმან საგლახაკოთა
წარმოცარიელებულნი საწყაულნი წყალობითა მით
ღმრთივსათნოდთა აღმოავსენ, შენ, სათნოებათა მიერ
აღმკულსა საყდარსა შუენიერსა, ესრეთ გადიდებთ:

გიხაროდენ, ობოლთა და ქურივთა გამომზრდელო;
გიხაროდენ, ღმრთივსწავლულთა მათ წყლისა
მოაბადთა მოწაფეო;

გიხაროდენ, სახესა მას ფუტკრისასა მიმსგავსებულო;

გიხაროდენ, ქველისმოქმედებითა მით
მაცხოვნებელითა განშუენებელო;

გიხაროდენ, ღმრთივსათნოდსა მოღუაწებისა
მასწავლელო;

გიხაროდენ, მოძულუართა ხატო ცისკროანო;

გიხაროდენ, ნეტარისა მის უოხჳნოდსა ცხოვრებისა
მომგებელო;

გიხაროდენ, გონებათა ჩუენთა ღმრთისად
აღმყუანებელო;

გიხაროდენ, დღე-ყოველ მუშაკობად აღმსთობილო;

გიხაროდენ, რომელი პირმშო ხატსა მას აღებაძვე;

გიხაროდენ, რომელსაცა სათნოებანი გმეტყუელებენ;

გიხაროდენ, სულიერისა შუენებისა უფურჳვნელო
ყუავილოვნებაო და ღმრთივსათნოდთა მეფობითა

შენითა ზეაღზიდულო სიმაღლეო განსაკრთომელო,
წმიდაო თამარ დედუფალო!

კონდაკი 10

მართალთა ძალითა დაძინებულო და სასუფეველსა
შინა თვალაღზილულო, ღმრთისა მგალობელო
ფრთოვანქმნილხარ მუნცა: ალილუია.

იკოსი 10

წმიდათა მათ მეფეთა თანა მოდარბაზეო, შენთა
სათნოებათა ქებად აღმსთობილნი შენდამი, ღმრთისა
დაუწყვედელისა მის წყაროდსა მკმეველისა მიმართ,
ხმა-ვყოფთ ესრეთ:

გიხაროდენ, საწუთოსა ღელვათაგან მშვიდობით
განრინებულო;

გიხაროდენ, აწ ცათა მიმართ აღკუმოვლებულო
სულნელო;

გიხაროდენ, ანგელოზთა თანა მესიტყუეო;

გიხაროდენ, მტილსა მას ღმრთისასა შთასრულო;

გიხაროდენ, ღოცვათა ჩუენთა კეთილმძიმთუალველო;

გიხაროდენ, ხორციელისა საშუებელისა მომდაგებელო;

გიხაროდენ, სულიერითა პურითა გამოზრდილო;

გიხაროდენ, საუფლოდსა ტაბლისა მოტრაპეზეო;

გიხაროდენ, ნებათა ჩუენთა განმამტკიცებელო;

გიხაროდენ, განზნეულისა გულისგმისა ჩუენისა
შემკრებელო;

გიხაროდენ, რომელსაცა ჩვილნი ქებითა შეგამკობენ;
გიხაროდენ, სულიერისა შუენებისა უფურჴვენელო
ყუავილოვნებაო და ღმრთვისათნოდთა მეფობითა
შენითა ზეაღზიდულო სიმაღლეო განსაკრთომელო,
წმიდაო თამარ დედუფალო!

კონდაკი 11

კეთილმუშაკობისა ხატო მაღლოანო, რომელსაცა
ბევრეულნი მოქენენი ღმრთისანი შეწევნასა მას
ღმრთისამიერსა გეაჯებიან შენ, ანგელოზთა თანა
მემწყობრესა, გალობასა ამას შეგწირავთ: ალილუია.

იკოსი 11

ღმრთისა ნათლითა მის მეცნიერებითა ცხორებულო,
რომელი საქმეთაგან შენთა საცნაურ-იქმნები, დღე-
ყოველ მაღლისა მორეწვითა განშუენებულსა
ქრისტეანესა გაქებთ შენ ესრეთ:

გიხაროდენ, გარდარეულისა მის ნათლისა მეტრფეო;
გიხაროდენ, უოხჴნოისა საშუებელისა
მედღესასწაულეო;
გიხაროდენ, აწ ცათა შინა ღზინეულო;
გიხაროდენ, საფარველო მშობლიურო;

გიხაროდენ, ჩუენთა სულთქმათა დამჯსნელო;
გიხაროდენ, ღმრთივმოსწრაფეთა გონებათა
გამომზრდელო;
გიხაროდენ, ქრისტეანთა პანდუქიონო;
გიხაროდენ, ღმრთისმიერისა მის სიყუარულისა
მასწავლელო;
გიხაროდენ, სანთელო მოტყინარეო;
გიხაროდენ, ლამპარო დაუშრეტელო;
გიხაროდენ, რამეთუ შენითა ხილვითა ქრისტეანენი
სიმართლესა შეიმოსენ;
გიხაროდენ, რამეთუ სახლსა შენსა ზედა წყალობა
ღმრთისაჲ მოიწია;
გიხაროდენ, სულიერისა შუენებისა უფურჳვნელო
ყუავილოვნებაო და ღმრთვისათნოჲთა მეფობითა
შენითა ზეაღზიდულო სიმაღლეო განსაკრთომელო,
წმიდაო თამარ დედუფალო!

კონდაკი 12

გონებაო აღუზუავებულო, შენ, ქმნულკეთილსა სძალსა
საუფეველისასა და ღმრთისა სიხარულსა შინა
შთასრულსა, სიხარულისა მის დაუღევნელისა
მეფსალმუნენი გიღაღადებთ: აღილუია.

იკოსი 12

რომელმან პატიოსნითა მით სისხლითა თვისითა
მოგვყიდნა და ჯუარსა ზედა ცოდვანი ჩუენნი
შემსჭუალნა, მანცა განმართნა ორღანონიცა ჩუენნი
გალობად ესრეთ:

გიხაროდენ, განცოფებულისა ბელიარისა
შემმუსვრელო;

გიხაროდენ, საზეპუროდსა ერისა შენისა
გამომჩინებელო;

გიხაროდენ, ტაძართა აღმომაბრწყინებულო;

გიხაროდენ, მუსურღამნთა მანქანების
დამარღუეველო;

გიხაროდენ, მესიისა მახვილო განმკუეთელო;

გიხაროდენ, დედუფალო ოქროწერილო;

გიხაროდენ, საუნჯეო განუპარველო;

გიხაროდენ, სასოებაო განუქარვებელო;

გიხაროდენ, საკვირველისა მის სრბისა შენისა
კეთილად განმასრულებელო;

გიხაროდენ, ღმრთისა საყდარსა მიმთხუეულო;

გიხაროდენ, რომლისაცა მიცვალებასა იგლოვენ
ქრისტეანენი;

გიხაროდენ, რომლისაცა მოღუაწებითა ყოველნი
განკრთებიან;

გიხაროდენ, სულიერისა შუენებისა უფურჭვნელო

ყუავილოვნებაო და ღმრთვისათნოდთა მეფობითა
შენითა ზეაღზიდულო სიმაღლეო განსაკრთომელო,
წმიდაო თამარ დედუფალო!

კონდაკი 13

ჰოე, საღმრთოდთა მით ნათლისა განცისკრებულო,
წმიდაო თამარ დედუფალო, ევედრე მოწყალესა
ღმერთსა, რათა ცოდუათა საკვრველთაგან დაკსნილნი
და უოხჃნოსა მას დიდებასა მიმთხუელნი ჩუენცა
შენთანა ვუგალობდეთ უფალსა: ალილუია.

(ეს კონდაკი იკითხება სამგზის, შემდგომ იკოსი 1 და
კონდაკი 1).

